

25 Januari Dia di Betico

Si Betico tabata na bida, dia 25 di Januari 2007 e lo a cumpli 69 aña di edad

Ken ta Betico



Señor Betico Croes a nace 25 di januari 1938. Betico, manera tur hende conoce, ta yiu di Mimita y Panchico Croes (qepd). Betico desde hoben tabata tin un gran simpatia pa su distrito Santa Cruz y tabata activo riba diferente tereno. E tabata conoci como un estudiante sobresaliente y tabata cla pa yuda na cualquier ocasion. E tabata un yiu ehemplar y cu tabata yuda tanto su mama y tata den nan trabaonan. Semper e tabata tin hopi amigo y tur tabata bon bini serca dje na su cas.

Estudio

Despues di a termina 3de klas di HBS na St Dominicus College, ela bai Hulanda pa studia pa maestro di school.

Desde cu e tabata estudiante na Hulanda, ela cuminsa propaganda y defende nos isla.

Hopi tabata e discusionan cu ela hiba durante cu e tabata estudiante na Hulanda pa convence su amigonan Hulandes cu Aruba mester mas reconocimiento y cu e



lucha, cual a worde inicia pa politiconan grandi di Aruba mester continua. Ela hasi su esfuerzo pa termina su estudio, pensando riba su isla, cual e tin cu bin trahe pe.

Na 1959 ela termina su estudio y ela regresa Aruba pa bin traha pa e hubentud Arubiano. Desde 1959 pa 1969 ela traha na St. Jozefschool na unda e mester a organisa celebracion di 25 aña di existencia di e school. Tabata pa promer biaha cu St. Jozefschool, actualmente Colegio San Jose, a conoce su propio banda. Tabata un celebracion cu a conmovi Santa Cruz por completo y tur hende tabata tin palabra di elogio pa e forma especial

cu sr Betico Croes y e comision a celebra e di 5 lustro di St. Jozefschool. Betico no tabata activo solamente na school, pero tambe den diferente organisacionan social di Aruba. Tambe e

tabata hopi activo den misa como dirigente di e coro y den otro actividadnan di misa..

Tambe Betico a traha


Sigui lesa Pg. 3

Betico

No he visto hasta este instante ningun rastro
De tu existencia tras la tuma incierta,
E ignoro donde estás, si en un astro
O en el caliz de una flor abierta
Más donde quiera que tu alma flote,
En el cielo, en el mar, en una estrella,
En los rayos del sol, en un islote,
Yo se, que algo de ti palpita en ella!

En mi eterna soledad
Espero con calma fria
Se trueque mi suerte impia
Al fulgor de la verdad
Y a ti Betico, libertador esplendoroso
Cual Dios en su divina esencia
Vuelve a mi vida el reposo
Aruba; Himno y Bandera
Hermosa tierra sin fronteras.
Que vuelva la realidad,
Esa realidad divina
Que al universo ilumina
Y se llama libertad.

Ramon A. Gonzalez



Continuacion pagina 2



añanan largo na St. Antonius College na Santa Cruz. Fuera di su Hoofdakte, ela obtene e diploma LO Spaans y LO Handelsrekenen.

Politico Betico Croes.

Despues di a dreña enlace matrimonial dia 18 di

december 1962 cu Glenda Croes, di cual matrimonio a nace 4 yiu, ela tuma un paso importante na 1967.

Ela dreña politica activo na 1967, algo cu henter nos pueblo tabata desea y cu semper tabata hankra na su curazon. Betico cu e paso aki a sacrifica su famia completo pa bai traha na fabor di e deseo y lucha di nos



pueblo. Den e mesun aña ela worde postula como candidato no. 5 ariba e lista di AVP. For di e tempo ei e pueblo votador a conoce como un gran lider, un gran luchador pa nos causa.

Betico Diputado.

Dia 1 di juli 1967 ela worde

nombra como diputado y a keda ocupa e puesto aki te cu 1970. Como diputado Betico a habri un era nobo den politica na Aruba. Betico a cuminsa cu school di waiters, mirando e interes cu tabata existi pa nos turismo. Hopi yiunan di tera a obtene un beca pa bai studia den exterior pa despues bin traha pa e futuro di nos comunidad..

Schoolnan na Macuarima, Pos Chiquito a worde construi v

expansion di Colegio Aruba, John F Kennedy School y diferente otro schoolnan a tuma lugar tempo cu Betico tabata diputado.

E Sporthal na Santa Cruz tambe tabata un di e proyectonan di Betico, tempo cu e tabata diputado. Cu hopi esfuerso ela logra convence expertonan e tempo ei cu Santa Cruz ta e lugar ideal

Sigui lesa Pg. 4

Continuacion pagina 3



na unda e Sporthal por worde construi, mirando su situacion central.

Durante cu e tabata diputado ela convence gobierno Hulandes cu Aruba mester algun Bibliobusnan pa motibo cu pa hopi estudiante cu ta biba pafor di Oranjestad, ta dificil bira miembro di Biblioteca Publico, pa motibo di transporte. Awendia hopi mucha di school basico ta lesa buki y ta miembro di e biblioteca.

Esaki tambe a yuda cu hopi estudiante di otro distrito a progresa den nan estudio.

Betico Fundador di MEP.

Dia 9 di februari 1971 MEP a ser funda na su cas y dia 14 di februari 1971 ela keda nombra como lider y presidente di MEP.

Door di su guia pfecto MEP a crece y bira e partido mas grandi di Aruba. Pueblo di Aruba a dune y su



partido e respaldo necesario pa realisacion di nos Status Aparte. Betico a kibra tur record di tur politiconan di pasado, den obtene cantidad di voto.

Betico ta e politico cu mas tanto voto a haya riba su nomber.

Desde september 1973 e tabata lider di e fraccion di MEP den Saten di Antillas. Despues di elecion di 1975 ela keda nombra como consehiero general di Bestuurscollege di Aruba.. Tambe Betico tabata miembro di Parlamento Latino Americano)

Betico a cambia tur cos.

Nos mester acepta cu antes nunca nos tabata preocupa nos mes pa papia y defende Aruba, pero si nos a papia di Aruba/ Antillas Hulandes tabata mas cu bon.

No tabata preocupa nos nada pa defende nomber di nos isla. Tampoco antes nunca politiconan tabata preocupa nan mes cu e abusonan cu tabata worde cometi contra nos isla, door di e isla di mas grandi, pero



tabata acepta tur abuso contal nan keda cu puesto. Betico desde cu e tabata maestro di school, tabata hinka den cabez di studiantenan pa studia bon pa

despues nan por traha pa futuro di Aruba. Betico a muestra nos e balor cu nos isla ta posee. Awor

Sigui lesa Pg. 5

Betico nos amigo.

Naci for di un mama y un tata ehemplar, Den e distrito humilde di Sta Cruz.

Un hoben cu carisma y valentia cu no tin par, Ta e gran hende, yui, ruman y amigo, Gilberto Francois Croes.

Na un edad hoben e tabata sa di cruza frontera, Y prepara su mes pa su pueblo stima ta educa. Tempran su gana y perseverancia a conducie na lucha sin un bandera, Pa trata na logra e anhelo di su pueblo tan stima.

Cu e amor di su pueblo den mente cu ta su unico arma ferfiente, E hoben maestro cu su carisma y valentia. A lucha cu e grandinan cu audaz y maestria, Pa convence nan cu nos pueblo kier ta liber y independiente.

Despues di un y mil discusion so logronan a mira claridad Pa otorga na su pueblo cu corahe y hopi humildad E fruta di su lucha pa cual tanto el a ser humiya Cu ta e Status Aparte pa otronan hopi invidia.

Hopi a trata na desacredita su logro tan inportante Pero nunca e no a preocupa ya su pueblo cu tanto el a stima a keda libera Apesar cu destino a pone cu e mes no por a sa di celebre, For di cielo e ta mira su pueblo en grandi ta celebra nan libertad tan anhela.

Betico apesar cu bo no ta cu nos mas, Nos lo keda gradici bo cu awe nos ta baas den nos mes cas, Betico nos amigo y nos tata, danki pa e regalo, Semper pa bo valentia, corahe y perseverancia nos lo keda cordabo.


Scrbi pa : Franklin O.Dijkhoff Januari 2007

Pabien!!!

Cu nos Dia Nacional!

A.C.C.
Aruba Climate Control N.V.

Continuacion pagina 4



nos tur ta bisa cu nos ta Arubiano enbes di Antilliano. Betico a trece un

union den nos pueblo y a kibra cu tur sistema discriminatorio cu tabata existi antes. Awor ta un grupo nos conoce y esey ta e grupo di Aruba. Tur hende ta igual y tur hende por biba feliz aki na Aruba, sin pensa ariba grupo o rasa. Betico a mostra nos e importancia di e lucha di nos pueblo..

Bishitanan den exterior.

Betico nunca tabata tin miedo pa demonstra mundo e deseo di nos pueblo. Na diferente ocasionan, durante reunionan cumbre entre e islanan, tanto na Hulanda, Surnam, Corsow, Bonaire y Islanan Ariba Betico a duna su opinion e defende esaki tambe, sin miedo kisas pa su bida.

Cuanto biaha ela worde intimida y menasa, pero nada a stop e di demonstra su deseo pa cu nos isla y su independencia e tempo ei. Betico a encabesa diferente comisionan cual a bishita diferente paisnan manera Hulanda, Venezuela, Inglatera, Merca (Nacionan Uni), Colombia, Panama, Costa Rica y Surnam pa hiba e mensahe di e deseo di nos

Sigui lesa Pg. 6



Continuacion pagina 5



Bandera.

Despues cu tanto Hulanda como Nacionnan Uni a conseha gobierno insular di Aruba pa organisa un referendum pa sa exactamente e berdadero deseo di nos pueblo, Betico hunto cu e diputadonan a percura cu e referendum lo tuma lugar. No solamente Betico tabata desea di sa e deseo exacto di nos pueblo, pero como

politico responsabel pa cu e futuro di Aruba, a mira esaki necesario. Ela percura e tempo ey pa duna nos pueblo tur informacion cu nan tabata desea. Pueblo no solamente a bay vota den referendum simplemente como simpatisante di nos lucha, pero despues di a haya tur clase di informacion y tabata convenci cu esaki tabata pa salvacion di

Aruba. Despues di e referendum henter mundo tabata na haltura di e deseo di e pueblo Arubiano.

**TELEFONNAN
DI DIARIO
582-6747
FAX
582-8551**

pueblo pa e gobiernonan di paisnan ariba menciona. For di e diferente paisnan aki ela risibi promesanan di apoyo pa cu deseo di nos pueblo.

**Referendum ,
Himno y
Bandera.**

Betico , como Consehero General di gobierno insular di Aruba e tempo ei, a conseha e gobierno insular pa percura pa Aruba tin su pro-

prio Himno y Bandera oficialmente. Duro a worde traha y hopi critica, manera semper, Betico a hanja ,pero awe nos tur ta orguyoso cu nos isla, pa chiquito cu e por ta, tin su propio Himno y

E prome politico cu a kibra tur clase di descriminacion



Betico tabata ser stima y admira pa chiquito y grandi y e tabata e prome politico den Antiyanan Hulandes, cu a kibra tur clase di descriminacion, entre raza, religion y clase. Pa tur ta igual, tur ta forma un gran pais, tur hunto ta percura pa formacion di e nacion cu semper si a soña pa a bira un realidad. Betico a siña su pueblo pensa amplio, pensa grandi, pensa internacional. E tabata papia ariba acontecimentonan cu tabata sosode tur rond di mundo y esaki tabata hacie dia pa dia mas admira.

Correspondencia nan di tur parti di mundo tabata yega na su despacho, sea di un mucha di school, un estudiante, hendenan cu tabata apoye, te cu e mas grandi politiconan cu pa medio di nan correspondencia tabata apoye den su intentonan.

Nos conoce otro politiconan, estadistanan cu a traha duro pa nos baranca stima, pero ningun di e tamaño di Betico, principalmente su

vision politico tabata grandi y no tabata conoce frontera. Su discursonan tabata yena su pueblo cu speranza y amor y nan fe pa nos pais tabata crece dia pa dia.

E por a papia oranan largo, e por a ripiti e mes un frasenan, pero toch e pueblo tabata tende y te ainda tin hopi Arubianonan tin su voz graba, pa de vez en cuando scuche, pa nan por haya consuelo. Scuchando su voz e speranza y deseo por reviva cu un dia e estilo di hiba politica di Betico por bolbe, na unda no tabata existi ni odio ni rencor.

E por tabata tin diferencianan di opinion den salanan di reunion, na unda e por ta duro manera baranca, dependiendo su pais y e lucha, pero saliendo pafó e ta e ser humano cu un curazon entrega na su pueblo y su hendenan.

Poco ta e ocasionnan cu e tabata tin un pleito real, fuera di lo comun, fuera di reunionnan.

Betico a sacrifica su famia



Cu su morto repentino Aruba a perde un gran tata, pero semper e ta keda conserva como tata di e patria Aruba.

Betico a bira popular tambe cu e famoso frase: Si mi cay na caminda, gara e bandera

y sigui cu e lucha".

No solamente Betico kiermen cu e lucha berdadero, esta e Status Aparte, pero e lucha di un mihor bida, un mihor futuro, un mihor Aruba, pasobra ta nos bandera ta e simbolo importante

di cualquier pais y cu bo por hibe rond mundo cu bo.

Mañan cu ta dia di Betico, tur hende ta recorde atrobe, y cu ohala nos por reflexiona ariba su anhelo nan pa asina haci Aruba e Aruba cu nos tur ta desea pa e ta.



Betico a sacrifica su famia, su yiunan pa a traha pa e pueblo. Betico tabata y ta un persona stima, e tabata tin un carisma enorme. E tabata tin tempo pa tur hende y dia di su ultimo homenahe en conexion cu celebracion di su 15 aña den politica, Betico a brota for di su curazon, palabranan cu ta bay pa historia cu hamas nos por

lubida.

Betico publicamente a pidi su famia disculpa pa e poco tempo cu e tabata tin pa nan, pasobra su famia, ta un famia grandi, su famia ta Aruba. Betico a considera su mes como e tata di e pais Aruba.

Palabranan cu pa semper lo keda graba den nos curazon.


Betico Croes: e politico di siglo y milenio



Su dieznuebe añanan di bida politico a cuminsa na 1967, tempo cu AVP a haci un apelacion riba dje pa integra

den e conhungto di politico- nan Arubano dispuesto di traha pa e bienestar di Aruba y su pueblo.

E mesun aña ey el a subi lista di AVP como candidato no. 5. Desde 1 di Juli 1967 te 1985, e tabata miembro



activo di Eilandsraad di Aruba. E tabata alavez miembro di Parlamento di Aruba te poco prome cu su morto dia 26 di November 1986. Cu Aruba formando ainda parti di Antiyas, e tabata miembro di Staten di Antiyas Hulandes desde September 1973 pa e partido cu el a funda, o sea MEP. Durante un tempo cortico, Betico a fungi como Presidente di Staten di Antiyas Hulandes.

Betico a funda MEP dia 9 di Februari 1971, despues cu tabata tin un kiebra den AVP na aña 1970. Hunto cu algun amigo, el a funda e partido cu a respalde den e lucha incansable pa logra e libertad di Aruba.

Di 1 di Juli 1967 te 2 di September 1970, Betico tabata Diputado di Enseñanza, Asuntonan General y personal, Registro Civil y Biblioteca Publico.

Pa Betico semper e pueblo tabata importante



Semper Betico a pone su pueblo na altura di e ultimo acontecimentonan politico.

Pa Betico semper e pueblo tabata importante. Esaki el a haci den forma di reunionnan of pa medianan di comunicacion. Apesar cu e pueblo di Aruba a vota den mas cu un ocasion pa e lucha di Aruba toch Betico a pidi pa consulta pueblo pa medio di un referendum

kico e anhelo di e pueblo tabata.

Betico a haci esaki pa muestra mundo henter cu ta e desea di pueblo di Aruba conta y no ta dje of di su partido. M.E.P. so. Door di e referendum aki Pueblo di Aruba a demostra di ta para completamente tras di e deseo pa ta liber. Di e cantidad di personanan cu a bay vota 83 porcientu a opta pa

un Aruba independiente.

Betico a haya razon, pasobra ta pueblo a papia, ta pueblo a dicidi y pa Betico semper ta pueblo tabata na prome lugar.

Resultado di e referendum a keda conoci pa henter mundo y un delegacion di su partido a entrega e resultadonan na tur instancianan importante na Antiyas y Hulanda.



NOS LIBERTADOR GILBERTO F. CROES

Betico Croes,
e inolvidabel amigo y luchado,
cu a stima su pais
y a bay den historia como libertador di Aruba.

Betico Croes,
e homber incansabel.
Un persona cu a traha pa su pueblo cu honor,
carino y amor cu e tabata sinti pa nos como Arubiano.

Betico Croes,
kende tabata un persona hopi stima pa su pueblo.
El a lucha duro pa su pais Aruba.
E tabata un homber balente.
Prome cu tiro di aña 1986,
sin por a spera cu e dia lo yega
pa nos incansabel Betico Croes.

Betico Croes,
lagrima a basha infinitamente for di nos wowo,
ora nos, unda cu nos tabata, a tende e tristo noticia,
sin por a kere y spera, cu Aruba su gran yiu di tera
tabata bay separa su mes di su hendenan
cu tanto a stime y aprecie.

Betico Croes,
nos palabranan ta corto,
pero semper gradicido na bo;
sin por a spera cu e dia scur tabata cercano
pa un Arubiano cu si a sa di lucha
pa su isla Aruba asina stima;
di cual su ahelo y ferviente deseo pa Aruba haya
Status Aparte a wordo cumpli.

Betico Croes,
sikiera bo a mira pa algun minuut mas di cerca
e Status Aparte cu tanto bo a anhele pa nos dushi
Aruba.
Nos curazon a wordo conmovi pa e tragedia
lamentabel,
pero si nos ta aprecia bo amor, balentia y curashi,
Ainda den nos curazon semper bay
lo bo ta e gran libertador di Aruba.

Betico Croes,
aunke bo no tey mas cerca nos,
e distancia entre nos no ta grandi y largo.
Abo, cu tabata un gran politico Arubiano,
tabata stima bo pueblo,
pober y rico.

Betico Croes,
abo tabata un hende di bon curazon
cu semper tabata sa con y ki ora
pa defende e patria Aruba.
Abo a lucha cu sodo di bo frenta
pa e deseo tan anhele di bo pueblo aprecia.

Betico Croes,
ken por a pensa,
cu bo despedida tabata asina cerca?
Bo tabata un politico cu semper tabata tin oido
y semper tabata tin bo pueblo na pecho.

Betico Croes,
awor cu bo ta den cas celestial
nos lo keda recorda bo den oracion.
Lo bo keda den historia di Aruba
como e amigo inolvidabel,
como e luchado inigualabel,
y e Libertador di Pais Aruba.
Lo no tin otro pa reemplaza bo,
pasobra den nos curazon
tabo ta e Libertador di Aruba.

Clarette Quandus

Estadista ...

Gilberto François Croes

Betico un gran lider
cu deseo di un pueblo
y vision di un estadista ya lubida
bo a tri bidenta politica.

Den momento difícil
bo a sa di cuminsa di nobo
sin ayudo di esnan derota
pa un Aruba libera.

Bo frase tan scucha
"Si mi cai na caminda
gara e bandera y sigui cu e lucha"
semper lo keda resona.

Bo logro lo no ta lubida
pasobra un Aruba autonomo
den Reino Hulandes
ta loke nos a hereda di bo
prome cu bo a bai descansa.

SUAJ



ACTIVIDADNAN Y LOGRONAN POLITICO DI BETICO

- 1971 Miembro di Comision di Reino
- 1972 Delegacion di e 3 lidernan di Fraccion den Eilandsraad a bay Hulanda riba insistencia y mocion di Betico pa convence Hulanda cu Aruba merece su Status Aparte. O sea un Aruba soberano cu lazonan estatal cu Hulanda.
- 1973 Dia 18 Maart, riba insistencia di Betico, tabata tin un manifestacion gigantesco den Wilhelmstad Stadion pa demonstra na e Parlamentarionan di Hulanda y Corsow e boluntad di Pueblo pa lucha pa su Status Aparte. E fecha a ser escogi pasobra dia 18 di Maart 1948, Hulanda a reconoce e derechonan di Aruba pa opta pa s Status Aparte den Reino Hulandes.
- 1973 Betico y MEP a saca 5 di e 8 asientonan den Staten di Antiyas
- 1973 Dia 19 di September, e mocion pa Staten di Antiyas reconoce e Status Aparte di Aruba a ser acepta cu un solo voto contra.
- 1974 Betico ta motoriza e instalacion di e Departamento di Estructura Estatal di e islanan cu tabata forma parti di Antiyas Hulandes.
- 1975 Dia 18 di maart Betico a organiza un "Grandioso marcha di Libertad cu flambeu".
- 1975 Dia 25 di April tabata tin eleccion. Betico y MEP a core campaña cu e lema "Decision 1975" y a logra un victoria grandi, sacando 13 di e 21 asientonan. Betico a obtene 5748 voto y a bira "Consehero General" di Bestuurscollege di Aruba.
- 1975 Dia 18 di Augustus, un mocion a ser presenta den Eilandsraad pa haci posibel e misionnan pa exterior pa busca apoyo pa e lucha di e Pueblo di Aruba.
- 1975 Dia 12 di September, a presenta un mocion den Staten di Antiyas pa reconoce e derecho di autodeterminacion di e peublonan di cada isla.
- 1975 MEP a kibra cu Gobierno Central di Antiyas Hulandes pa motibo di Sint Anna Shipyard y otro asuntonan cu Aruba tabata considera perhudical y discriminatorio contra e interesnan di Aruba.
- 1976 Dia 16 di Maart, e decreto di Himno y bandera a ser acepta den un reunion publico di Eilandsraad.
- 1976 Dia 18 di Maart, Himno y Bandera a ser inaugura.
- 1977 Dia 25 di Maart, un Referendum a ser organiza pa Pueblo duna su opinion si e ta desea Independencia o Federacion. E resultadonan tabata categorico: 83% a vota na favor di independencia.
- 1977 Dia 17 di Juni, Betico y MEP a bolbe haya e mandato pa goberna Aruba.
- 1977 Durante luna di Augustus, tabata tin accionnan total di Pueblo contra Gobierno Central. Betico y MEP a organiza nan pa hala atencion internacional pa e lucha di Aruba na favor di su Independencia. Hulanda ta haye obliga di duna contenido na Articulo 26 di Eilandenregeling. Un delegacion Arubano ta ser ricibi door di Hulanda.
- 1978 Di dia 19 y 20 April, un reunion Tripartite entre Hulanda, Aruba y Antiyas a tuma lugar, a base di igualdad. Ya e "Independencia di Aruba" a pasa bira un asunto di Reino.
- 1978 Dia 21 di September un delegacion Antiyano, Betico Croes a participa na debatenan den Tweede Kamer na Den Haag. E topico tabata "e derecho di autodeterminacion di Aruba".
- 1978 Dia 1 di November, un Protocolo a ser presenta pa formacion di e Grupo di Trabao di Reino.
- 1978 Dia 14 di November, Betico a hiba palabra den Tweede Kamer.
- 1979 Dia 17 di Januari, e grupo di Trabao di Reino a ser oficialmente instala.
- 1979 Dia 30 di April, tabata tin eleccion pa Eilandsraad. MEP a logra 12 di e 21 asientonan. Betico a haya 6064 voto.
- 1979 Eleccion pa Staten, den cual Pueblo a corona e lucha di Betico y MEP dunando Betico 9419 voto.
- 1989 Durante luna di Februari, e prome reunion di Ronde Tafel Conferencie a tuma lugar na Den Haag
- 1981 Dia 25 di Februari, tabata tin e Protocolo di Ronde Tafel Conferentie. E tabata inclui Derecho di Autodeterminacion, Garantianan, Independencia di Aruba, como puntonan principal.
- 1981 Dia 18 di Maart, Aruba a celebra e prome lustro di Himno y Bandera
- 1981 Entre dianan 18 y 20 di Maart, tabata tin un conferencia internacional di MEP na ocasion di e di dos lustro di existencia di partido MEP.
- 1981 Dia 7 di September, MEP ta sali di Gobierno Central pa motibo cu e partidonan di Corsow a sigui rechaza e resultadonan di e Conferencia di Mesa Rondo y pa motibo di e rikezanan mineral den awanan territorial di Aruba.
- 1981 Durante luna di October, a bin e Protocol di Den Haag y e instalacion di e comision di siete.
- 1982 Dia 12 di November, e raport di e Comision di Siete a ser entrega
- 1983 Dia 12 di Maart, Betico y Aruba a conclui Ronde Tafel Conferentie cu exito. Hulanda y Antiyas a acepta Status Aparte.
- 1983 Dia 24 di April, Betico a bira victima di un disparo di revolver di un agente policial durante un forceheo ariba veld di Winston.
- 1983 Dia 29 di April MEP a bolbe sali victorioso durante eleccionnan teni.
- 1984 Den luna di September, MEP a drenta Gobierno Central cu e cartera nobo pa prepara Status Aparte.
- 1985 Den luna di Mei, Parlamento Hulandes a acepta cambio di Statuut: Status Aparte pa Aruba durante durante 10 aña, cu Independencia na final. Aruba a acepta.
- 1985 Dia 30 di September, Betico a tene su discurso di despedida den Staten di Antiyas y a agradece Antiyas pa e cooperacion duna.
- 1985 Dia 31 di December, Antiyas a firma e ultimo leyman preparatorio pa e Status Aparte di Aruba. Betico a haya un accidente di trafico y a perde conocimiento.
- 1986 Dia 1 di Januari, Aruba a drenta Status Aparte cu su propio Gobierno y Parlamento, su propio Constitucion y Teritorio, su propio Banco Central y moneda.
- 1986 Dia 3 di Januari, Betico a ser traslada pa Miami den estado critico. Despues el a ser hiba Chicaco y ultimadamente pa Maastricht y pa Utrecht, na Hulanda.
- 1986 Dia 26 di November, Betico a fayece sin a recobra su conocimiento desde su accidente na 1985.
- 1986 Dia 30 di November, e entierio di Betico a tuma lugar na Aruba.

Special

NOS LIBERTADOR GILBERTO F. CROES

Betico Croes,
e inolvidabel amigo y luchado,
cu a stima su pais
y a bai den historia como libertador di Aruba.

Betico Croes,
e homber inalcanzabel
Un persona cu a traha pa su pueblo cu honor
carino y anor cu e tabata sinti pa nos como Arubiano.

Betico Croes,
kende tabata un persona hopi stima pa su pueblo.
El a lucha duro pa su pais Aruba.
E tabata un homber balente.
Prome cu tiro di anja 1986,
sin por a spera cu e dia lo yega
pa nos incansabel Betico Croes.

Betico Croes,
lagrima a basha infinitamente for di nos wowo,
ora nos, unda cu nos tabata, a tende e tristo noticia
sin por a kere y spera, cua Aruba su gran yiu di tera
tabata bai separa su mes di su hendenan
cu tanto a stim'e y apreci'e.

Betico Croes,
nos palabranan ta corto,
pero semper gradicido na bo,
sin por a spera cu e dia scur tabata cercano
pa un Arubiano cu si a sa di lucha
pa su isla Aruba asina stima,
di cual su anhelo y ferviente deseo pa Aruba haya
Status Aparte a wordo cumpli.

Betico Croes,
sikiera bo amira pa algun minuut mas di cerca
e Status Aparte cu tanto bo a anhela pa nos dushi
Aruba.
Nos curason a wordo conmovi pa e tragedia lamenta-
bel
pero si nos ta aprecia bo amor, balentia y curashi.
Ainda den nos curason semper bai
lo bo ta e gran libertador di Aruba.

Betico Croes,
aunke bo no tei mas cerca nos,
e distancia entre nos no ta grandi y largo.
Abo, cu tabata un gran politico Arubiano
tabata stima bo pueblo,
pober y rico.

Betico Croes,
abo tabata un hende di bon curason
cu semper tabata sa con y ki ora
pa defende e patria Aruba.
Abo a lucha cu sodo di bo frenta
pa e deseo tan anhela di bo pueblo aprecia.

Betico Croes,
ken por a pensa,
cu bo despedida tabata asina cerca ?
Bo tabata un politico cu semper tabata tin oido
y semper tabata tin bo pueblo na pecho.

Betico Croes,
awor cu bo ta den cas celestial
nos lo keda recorda bo den oracion.
Lo bo keda den historia di Aruba
como e amigo inolvidabel,
como e luchado inigualabel
y e Libertador di pais Aruba.
Lo no tin otro pa reemplaza bo,
pasobra den nos curason
t'abo ta e Libertador di Aruba.

-Clarette Quandus.